

Službeni glasnik BiH, broj 66/19

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08, Vijeće ministara Bosne i Hercegovine, na 176. sjednici održanoj 5. 8. 2019. godine, donijelo je

ODLUKU

O IZMJENI I DOPUNI ODLUKE O FORMIRANJU VIJEĆA ZA DJECU BOSNE I HERCEGOVINE

Član 1.

U Odluci o formiranju Vijeća za djecu Bosne i Hercegovine ("Službeni glasnik BiH", broj 4/13) u članu 1. stav (2) mijenja se i glasi:

"(2) Izrazi koji su radi preglednosti dati u jednom gramatičkom rodu, bez diskriminacije se odnose i na muškarce i na žene."

Član 2.

U članu 2. stavu (1) tački c) iza riječi "Bosne i Hercegovine" stavlja se interpunkcijski znak tačka zarez, a brojevi "(2011-2014)" brišu se.

U stavu (2) iza riječi "Bosne i Hercegovine" brojevi "(2011-2014)" brišu se, nakon riječi "aktivnosti" stavlja se interpunkcijski znak tačka, a riječi "nakon 2014. godine" brišu se.

Član 3.

U članu 3. stavu (1) tačka d) mijenja se i glasi:

"d) Članovi Vijeća za djecu iz reda akademske zajednice birat će se putem javnog poziva koji će raspisati Ministarstvo za ljudska prava i izbjeglice Bosne i Hercegovine, koje će nakon završene procedure javnog poziva Vijeću ministara Bosne i Hercegovine dostaviti prijedlog rang-liste predstavnika akademske zajednice iz koje će biti imenovani članovi Vijeća za djecu Bosne i Hercegovine."

Član 4.

U članu 4. stavu (2) tački i) riječi "univerziteti u Sarajevu, Mostaru i Banjoj Luci" brišu se.

Član 5.

U članu 6. stav (2) briše se.

Član 6.

U članu 8. st. (3), (4), (5) i (6) mijenjaju se i glase:

"(3) Vijeće za djecu u okviru godišnjeg plana rada, usvojenog najkasnije do kraja juna tekuće godine za narednu godinu, planira finansijska sredstva, izvore, strukturu, kriterije rada i druga pitanja važna za rad i djelovanje Vijeća za djecu u skladu s važećim finansijskim pravilima u institucijama Bosne i Hercegovine.

(4) Iz odobrenih sredstava, u skladu sa st. (1) i (3) ovog člana, finansiraju se sljedeći troškovi Vijeća:

a) naknade za rad članovima Vijeća imenovanih ispred nevladinih organizacija i akademske zajednice;

b) refundacija troškova prijevoza osobama iz tačke a) ovog stava obračunata na osnovu vrijednosti pojedinačne karte utvrđene autobuskim linijskim prijevozom, na relaciji mjesto prebivališta učesnika - mjesto održavanja sjednice ukoliko je udaljenost preko 130 kilometara u jednom pravcu;

c) osobama iz tačke a) ovog stava osigurava se plaćanje smještaja s doručkom ukoliko je udaljenost od mjesta održavanja sjednice ili sastanka najmanje 130 kilometara;

d) osvježenje i ručak za vrijeme redovnih i svečanih sjednica za sve učesnike koji na poziv sudjeluju u radu sjednice Vijeća;

e) troškovi organizacije planiranih radnih i stručnih grupa osnovanih u skladu s članom 7. ove Odluke, te radionica i konferencija organiziranih u skladu s programom rada Vijeća koji uključuju sljedeće troškove:

1) troškove smještaja za predstavnike domaćih nevladinih organizacija u skladu s tačkom c) ovog člana i refundaciju troškova prijevoza u skladu s tačkom b) ovog stava;

2) hranu i osvježenje za sve pozvane učesnike uključujući i predstavnike institucija i međunarodnih organizacija;

f) izrada promotivnog materijala prema planu rada Vijeća čiji kriteriji za troškove će se precizirati internira

aktima Ministarstva za ljudska prava i izbjeglice Bosne i Hercegovine;

g) angažovanje konsultanata prema godišnjem planu rada Vijeća za čije angažovanje će Ministarstvo za ljudska prava i izbjeglice Bosne i Hercegovine utvrditi kriterije prema internim aktima, te će ministar za ljudska prava i izbjeglice Bosne i Hercegovine zaključiti ugovor o djelu.

(5) Visina naknade iz stava (4) tačke a) ovog člana utvrdit će se Odlukom Vijeća ministara Bosne i Hercegovine.

(6) Član Vijeća koji je imenovan ispred institucija Bosne i Hercegovine, entiteta i Brčko distrikta Bosne i Hercegovine nema pravo na dnevnicu i naknadu troškova za smještaj i prijevoz."

Iza stava (6) dodaje se novi stav (7) koji glasi:

"(7) Planiranje i praćenje sredstava vršit će se u skladu sa sredstvima osiguranim u budžetu Ministarstva za ljudska prava i izbjeglice Bosne i Hercegovine putem programa posebne namjene."

Član 7. (Stupanje na snagu)

Ova Odluka stupa na snagu danom donošenja i objavljuje se u "Službenom glasniku BiH".

VM broj 117/19
05. augusta 2019. godine
Sarajevo

Predsjedavajući
Vijeća ministara BiH
Dr. **Denis Zvizdić**, s. r.